

Lus'an mas Maduh-1

Maaz a itu Bunu a mailantangus habas hai nau tu pismamaduh. Aupa habas a mailantangus a bunun hai ukaanang mas iu-'ivutaz at iu-'ismuut tu ispapataz mas ivutaz at ismuut. Mais pismaduh hai ka idiip a is'ang tu na mikua mais ka nii tu minsial a maduh a pinismaduhan i na unsauhzangan. pahasia, habas a itu Bunun a mailantangus hai ka'unis islulus'an tu na kanadaan lus'an mas itu maduh tu tal'iaan. A maaz a islulus'an mas maduh a lulus'anan a hai malansan mas buan at tus'atin at sadus bintuhan tu maukna'isin at saduang tu makuin a itu lukis a silav a tail'iaan at tuidiipin lus'an. a maaz islulus'an hai maisikitngab lus'an sausia pangkanahtung tu islulus'an hai tastupainsanan a sia dau.

Ung at, mais taunasiaanin sia lus'an mas maduhtia tu hanian hai mapataz a bunun mas babu tu na ispakaun mas maduhtia at kausia huma

kamaduh tu ikit. Ung at, mais isainin sia huma hai maaz a mapuadahu a hai siza mas na ispakaun mas maduhtia tu pinatazin tu babu tu simal at sidazaun a ima a maldikus mas simal a masumsum mas maduh, ung at, mais masumsum hai malala tupa tu "minsuma amin a iskakaupa a maduh mai'aupatin, andiia maibabu a na ispakaun mamuan:" "Mintislasin kamuun i pakaunin a kamuun mas masimal tu manambuh tu maibabu mazami laupak a dau." A maaz a siaan hai sintupa tu " Matalbuhin a maduh! Matislaasin tu lasuhdungin lasaukin a maduh, Maszangin mas babudaingaztan tu niin mahtu mindangkaz."

Aupa mais kanahtungin masumsum mas maduh hai ma'ausah tu vau mas kaisamuan tu na minbinsah tu maduh maluhus mapungadah sia palangan mama maudaan kaulumah.